

Uunga siunnersuut. Akileraarutit akitsuutillu kiisalu aningaasanik nuussinikkut isertitat pillugit Inatsisartut inatsisaasa assigiinngitsut allanngortinneqarnerinik

Inatsisartut inatsisaat nr. xx, xx. xxxx2019-imeersoq.

(Aningaasarsianit akileraarutip, aningaasanik ikisilluni pinnguaatinut akileraarutip, nukissiornermi ikummatissat avatangiisinut akitsuutaata, umiarsualivimmiinnermut akileraarutip, nioqutissanik eqqussuinermi akitsuutip, imigassat ilaannut Kalaallit Nunaanni sananeqarsimasunut akitsuutit, utoqqalinersiat aammalu siusinaartumik pensionisiat annertussusissaannik iluarssiineq)

(Aningaasaqarnermut Nunanilu Avannarlerni suleqatigiinnermut Naalakkersuisoq)

pillugu

Aningaasaqarnermut Akileraartarnermullu Ataatsimiititaliap

siunnersuutit aappassaaneerpeqarnerinut

ISUMALIUTISSIISSUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Hermann Berthelsen, Siumut, siulittaasoq
 Inatsisartunut ilaasortaq Peter Olsen, Inuit Ataqatigiit, siulittaasup tullia
 Inatsisartunut ilaasortaq Karl K. Kruse, Siumut
 Inatsisartunut ilaasortaq Henrik Fleischer, Siumut
 Inatsisartunut ilaasortaq Múte Bourup Egede, Inuit Ataqatigiit
 Inatsisartunut ilaasortaq Randi V. Evaldsen, Demokraatit
 Inatsisartunut ilaasortaq Jens NapátôK', Partii Naleraq

Ulloq 26. marts 2019-imi siullermeerinninnerup kingorna ataatsimiititaliap siunnersuutit misissorpai.

1. Aallaqqaasiut

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9,1. juni 2017-imeersoqaqutigalugu nuussinernit pisortat isertitassaat kiisalu akileraarutit akitsuutillu akigitat nalimmassarnissannut procentip malinnissaanut tunngavissiisoqarpoq. Procentip aaqqiissutissap nalimmassarneqarnissaani pisortanit ikiorsiissutit annertussutsillu sorliit aallaavigineqassanersutprocenti aaqqiissutissaq aamma maannakkorpiaq aningaasarsiat pillugit Inatsisartut inatsisaanniallassimangilaq. Tamanna siunnersuut una aqqutigalugu aatsaat pivoq, tamatumani annertussutsit ilaat inatsisartut inatsisaanni assigiinngitsuni

aralinni aalajangersarneqartut ilaasa ingerlaavartumik iluarsiivigineqartarnissaat pillugu maleruaqqusat atuutsinneqalissallutik.

Piffissamiqanittumi 6. novembarimiit 12. decembaritungaanut 2017-imi siunnersuut assigisaanik imalik tusarniutigineqarpoq. Siunnersuutip saqqummiunneqarnerata kingorna Inatsisartunikqinersisoqarmatsiunnersuut taamaatiinnarpoq.

2. Siunnersuutip imarisai siunertaalu

Akilerartarnikkut akitsuusiisarnikkullu inatsiseqartitsinermit ullumikkut akigititat sorliit aamma nuutsisarnermi isertittakkat sorliit, akigitittakkat naleqqussarnissaanut procentimik naleqqussarneqartariaqartarnerat pillugu siunnersuummi siunnersuutigineqarpoq, tak. Procenti aaqqiissutissaq aamma maannakkorpiaq aningaasarsiat pillugit Inatsiartut inatsisaat nr. 9, 1. juni 2017-imeersoq.

Siunnersuummi uani siunertarineqarpoq akit ullumikkut Inatsisartut inatsisaanni assigiingitsuni arlalinni aalajangersarneqarsimasut ilaat ingerlaavartumik iluarsiivineqartarnissaannut malittarisassat assigiiaartut atuutilersinnissaat.

Siunnersuummi taamaallaat pineqarput akigititat kroninngorlugit øringorlugillu taaneqartut isertitat killissaat imaluunniit procentiliussat procentimik iluarsiiisutaasartumik iluarsineqartarnissaat siunertarineqanngimmat.

3. Siunnersuutip Inatsisartunit siullermeerneqarnera

Siunnersuut siullermeerinninnermi amerlanerussuteqartunit nalinginnaasumik tapersersorneqarpoq.

4. Tusarniaanermi akissutit

Naalakkersuisut ima paasissutissiipput:

”Siunnersuut 2018-imi 21. septembarimit 2. Novembarip tungaanut ukununnga tusarniaassutigineqarpoq:

Sulisitsisut, NUSUKA, SIK, IMAK, ASG, AK, Kommune Kujalleq, Kommuneqarfik Sermersooq, Qeqqata Kommunian, Qaasuitsup Kommunian, Nunatsinni Advokatit aamma Namminersorlutik Oqartussani aqutsisoqarfiit tamarmik.

Aammalu 2017-imi 6. novembarimiit 12. decembari tungaanut 2017-imi siunnersuut assigisaanik imalik tusarniutigineqarpoq. Siunnersuutip saqqummiunneqarnerata kingorna Inatsisartunikqinersisoqarmatsiunnersuut taamaatiinnarpoq.”

Paasissutissat ataatsimiititaliamit tusaatissatut tiguneqarput.

5. Ataatsimiititaliap siunnersuummik suliarinninnera

Inuiaqatigiinnut tunngasut siamasissut ataatsimullu isiginninnerusut siunnersuutip matuma tapersersorneqannginneranut tunngavilersuutitut saqqummiunneqartut ataatsimiititaliamit oqaatigineqassaaq. Iluarsaaqqinnissamik pisariaqaritsisoqarnerani siunnersuut ataatsimut isiginninnermik tunngaveqarnerusariaqartoq ilaatigut oqaatigineqarpoq. Aammalu akitsuutit nalinginnaasumik qaffaanissaq akerlerineqartoq nalinginnaasumik oqaatigineqarpoq.

Akitsuutinik nalinginnaasumik qaffaanissaq siunnersuutikkut matumuuna siunnersuutigineqanngimmat ataatsimiititaliamit erseqqissarneqassaaq. Inatsisit assigiinngitsut akileraarutit akitsuutillu kiisalu aningaasanik nuussinikkut isertitat annertussusaannik iluarsiiernermit tunngasut allanngortinneqarnerannut siunnersuut una tunngavoq. Minnerunngitsumik aningaasanik nuussinikkut isertitat aammalu akitsuutit arlallit annertussusiannik ingerlaavartumik iluarsiiarnissaq siunertarineqarpoq, taamaaliornikkut aningaasat nalinginnaasumik naleerukiartornerat pissutigalugu taakku nalikillisarneqaqqunagit. Taamaaliornikkut pisortani atorfeqartut aammalu utoqqalinersiallit siusinaartumillu sulisinnaajunnaarnersiallit akornanni ilaatigut aningaasaqarnikkut naligiinnginneq annertusiartortoq akiorneqassaaq. Taamaalillunilu siusinaartumik sulisinnaajunnaarnersiallit utoqqalinersiallillu piffissap ingerlanerani maanna aaqquissuussinnermit pitsaaneruserumik inissisimalissapput, tassa pisartagaat pisortani akissarsiat ineriartornerat malillugu iluarsiiisuteqarfigineqartassammata. Siunnersuutip ilaa taanna ataatsimiititaliamit isumaqatigiittumit taparserneqarpoq.

Akerlinailli siunnersuutip ilaa procentip aaqquissutissap akitsuutitut suliaasaqarfimmi annertussutisnik nalimmassaanermut atorneqarnissaa ataatsimiititaliamit isumaqatigiittumit taparserneqarsinnaanngilaq.

6. Siunnersuutip aningaasaqarnikkut kingunerisassaa

Siunnersuut annikinneruserumik iluanaaruteqarneruffiussangatinneqarpoq. Iluanaarutaaneruserutit aningaasanik nuussinikkut isertitat iluarsiiisutaannut aningaasalersuutitut ilanngunneqassapput, tamatumani annertussusissat aningaasanut inatsisit aqquutigalugit iluarsiiivigineqartassallutik.

Taamaalilluni nuussinikkut isertitat siunnersuummi matumani pineqanngitsut iluarsiiisutit aningaasalersorneqarnissaannut ilaatinneqarnissaat eqqarsaatigineqarpoq, taamaallaalli 2020-imi aningaasanut inatsisissat siunnersuummi il.il. procentimik iluarsiiissummik naleqqusarnissaat naatsorsuutigineqarluni. Tamanna peqatigitillugu siunissaq ungasinnerusoq isigalugu pisortat aningaasaataat siunnersuutikkut pitsaanerulersinniarneqanngillat

Siunnersuutit aningaasaqarnikkut allaffissornikkullu kingunerisaattut siunnersuuteqartumit naatsorsuutigineqartut Aningaasaqarnermut Akileraartarnermullu Ataatsimiititaliamit oqaaseqaatissaqarfigineqanngillat.

7. Ataatsimiititaliap inassuteqaataa


Siuliani allasimasut naapertorlugit ataatsimiititaliap siunnersuummut tamakkiisuunngikka-luamik tapersiinera tunngavigalugu siunnersuutip pingajussaaneerneqarnissaa sioqqullugu allannguutissatut siunnersuummik, tamatumunnga naapertuuttumik, Naalakkersuisut saq-qummiussinissat ataatsimiititaliamit kaammattuutigineqarpoq. Tassunga atatillugu allannguutissatut siunnersuutip taamaattup pitsaaqutit ajoqutillu nassatarisinnaasaasa allaaserineqarnissat ataatsimiititaliamit kissaatigineqarpoq.

Ataatsimiitaliamit kaammattuutigineqartoq naapertorlugu Naalakkersuisut pingajussaaneerinninnissaq sioqqullugu allannguutissatut siunnersuummik saqqummiussinissaat naatsorsuutigalugu inatsisissatut siunnersuut **akuerineqasasoq ataatsimiitaliamit isumaqatigiit-tumit** inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Hermann Berthelsen,
siulittaasoq



Peter Olsen



Karl Kristian Kruse




Henrik Fleischer



Múte Bourup. Egede



Randi V. Evaldsen



Jens NapätôK